



帝京景物畧

卷之六

西山上

香山寺

碧雲寺

洪光寺

卧佛寺

水盡頭

目錄一

卷六

中峯菴

晏公祠

盧師山

平坡寺

嘉禧寺

罕山

石景山

帝京景物畧

卷之六

遂安方逢年 定

麻城劉 侗

宛平于奕正

修

香山寺

京師天下之觀。香山寺當其首遊也。一日作者心。當二百年遊人目。為難耳。麗不欲若第宅。纖不欲若園亭。僻不欲若菴隱。香山寺正得廣博敦穆。崗嶺三周。叢木萬屯。經涂九軌。觀閣五雲。遊人望而

趨趨有丹青開于空際。鐘磬飛而遠聞也。入寺門廓廓落落然。風樹從容。泉流有二云。寺舊名甘露。以泉名也。泉上石橋。橋下方池。朱魚千頭。投餌是肥頭頭迎客。履音以期。級石上殿。殿五重。崇廣畧等。而高下致殊。山高下也。斜廊平欄。兩兩翼垂。左之而閣而軒。至乎軒。山意盡收。如臂右舒。曲抱過左。軒又盡望。望林搏搏。望塔芊芊。望刹脊脊。青望麥朝。黃望稻晚。晶望潦夏。綠望柳春。望九門。雙闕。

如日月暈。如日月光。世宗幸寺。曰西山一帶。香

山獨有翠色。神宗題軒曰來青。來青軒而右上。

轉而北者。無量殿。其石徑廉以闕。其木松。轉而右。西者。不憇亭。其石徑漸漸。其木也。不可名種。山多蹟。葛稚川井也。曰丹井。金章宗之臺之松之泉也。曰祭星臺。曰護駕松。曰夢感泉。仙所奕也。曰碁盤石。石所形也。曰蟾蜍石。山所名也。曰香鑪石。或曰香山。杏花香。香山也。香山士女。時節羣遊。而杏花

天○十里一紅白○遊人鼻無他馥○經葦紅飛白之旬○
寺始金大定○我明正統中○太監范弘拓之○費鉅
七十餘萬○今寺有弘墓○墓中衣冠爾○蓋弘從幸土
木○未歸矣○

鹽山王翺香山寺○蘭若費幽尋○香山碧樹深○杏
將舒遠嘯○松已發長吟○涓滴泉歸內○莊嚴峯向
陵○祝釐新色澤○畿輔正三登○

淳安徐貫遊香山偶成○一派峯巒侵碧漢○獨尊
梵宇出紅塵○嶺松月挂上方曉○山杏花飛下界
春○趨淀湖泉爭入望○切雲陵樹與爲隣○我來
不盡登臨興○又逐東風覲紫宸○

茶陵李東陽香山諸寺○半嶺香臺石徑斜○諸空
縹緲送天花○新開塔寺雄西郭○舊賜經幢出內
家○避暑亭前泉帶雨○回龍殿下水明霞○太平天
子無巡幸○頭白山僧誦法華○

吳縣王鏊遊香山○百二河山勢自西○青芙蓉直

與天齊、九重瑞望樓城靄。十里香過花柳堤。陋
洗遼金元殆盡。氣凌韓趙魏皆低。要當盡覽全
燕勝、一杖同君絕頂躋。

餘姚王守仁香山○尋山到山寺、得意却忘山巖、
樹坐來靜、壁蘿春自閒、樓臺星斗上、鐘磬翠微
間、頓息塵寰思、青谿踏月還、

春游香山寺宿林宗師房次韻○幽壑來尋物
外情、石門遙指白雲生、林間伐木時聞響、谷口
逢僧不問名、天望倒涵湖月曉、烟梯高接緯堦
平、松堂靜夜渾無寐、到枕風泉處處聲、

餘姚徐愛陪陽明先生遊香山夜宿林宗師房次
韻○春尋郭外得幽情、楊柳迎風綠意生、良快
山堂無世慮、却嫌寺主盛詩名、林深風細鐘音
定、月正烟微野色平、有鶴摩雲來暫息、嘹然臨
去一留聲。

泗州郭鈺香山道中○山深春寂寞、花落自繽紛、

澗水趨橋去，泠泠清可聞。雨過新苔滑，日暝疎
林曛。冉冉一僧歸，踏開松下雲。

慶陽李夢陽香山寺○萬山突而止，兩崖南北抱。
鑿翠置殿榭，級石上穹昊。高卑各稱妙，曲盡結
構巧。有泉如線縷，盤轉出松杪。嗜奇忘登頓，綠
危肆探討。險絕逼牛斗，蕭颯若風島。夜宿來青
軒，天色碧可掃。湖沙靜莽莽，海月白皓皓。想當
邛邑初，此地只蒿草。綺麗乞誰鑿，巖壑門相裊。
但○看○全○盛○時○民○力○爲○茲○稿○

長洲文徵明登香山○指點風烟欲上迷，却聞鐘
梵得招提。青松四面雲藏屋，翠壁千尋石作梯。
滿地落花林遍綠，倚欄斜日鳥歸栖。去來不用
行吟苦，多少蒼苔沒舊題。

濟南李攀龍香山寺○往時占紫氣，馬上看香鑪。
不是尋幽到，其如發興孤。迴標臨北極，秀色攬
西湖。樹杪諸天出，堦前衆壑趨。花臺騫地起，風

鐸蔽簷呼月抱蟾蜍石星搖舍利珠玉毫浸瀑
水金相湧浮屠妙偈傳從竺高僧至自胡法輪
皆帝力下界復神都行幸當年事人王握大符
太倉王世貞香山○聞鐘尋古刹高入白雲層北
極諸天擁中原一氣憑攝衣凌恍惚飛磴插峻
嶒不謝菩提樹常明慧遠燈雙星垂井動片石
抱蟾升怒鬣搖風檜殘鱗折雨藤劫灰曾鐵馬
迷路有金繩忽憶宸遊事千林色倍增

宿香山寺○白雲深鎖上方幽躡屐無勞問惠
休竹裏布金千月至松間鳴玉片泉流談經石
聽蟾蜍轉卓錫天迴象罔愁坐久忽驚心地淨
向來西竺在南州

莆田周宜重遊香山寺○薜蘿深處見僧家
蕘落冀開自歲華怪石臺高蝸篆古老松枝偃鶴巢
斜三還丹熟龍窺井寸笏房清天雨花笑我疎
狂饒野况山門幾度試春茶

武昌吳國倫香山寺○不盡登臨興其如搖落何
香臺凌縹緲，紺殿鬱嵯峨。古壁璇題蝕，先朝
翠輦過。雲深龍藏杳，地迥鷲峯羅。塔勢飛金掌，
林聲散玉珂。山腰垂列磴，樹杪出盤渦。北極開
天府，西湖引御河。簷巢窺法鳥，堂狎聽經鵝。寶
座珊瑚蓋，祇園雨露柯。披烟探舍利，拂石誦維
摩。日落仍聞梵，風高獨放歌。明朝入城郭，何處
了諸魔。

登香山不憇亭有懷于鱗子與○丹梯百折上
青冥，檻散諸天青翠屏。雨塔空花迷下界，千山
雪色照孤亭。金臺北控凌承露，寶地西環共列
星。日莫振衣人不見，飄飄仙梵共誰聽。

臨清謝榛香山寺○曾識京西路，名山帝梵家。殿
凭千頂樹，地矗半天霞。鄰寺鐘聲密，前村塔影
斜。紅雲看不徹，漠漠杏林花。

麻城丘齊雲暮行香山道中○出郭尋蕭寺，偏緣

芳草行，溪深雲落雨。山遠樹爲城，一徑一花色。
無時無鳥聲，不知湖上月。飛向馬頭明。

太倉王世懋香山寺頻婆花下○嘉果傳經品，何
年植帝鄉。葡萄非漢種，薜蔔是天香。積素驕春
色，含脂破月光。坐深花陣過，數片入飛觴。

綏德馮汝驥再至香山○勞生退不獲，耽山遊獨
屢。靈竒天巧成，壯麗人工聚。磴石千盤陟，峯雲
九條駐。青來細草披，翠合葛藤互。梵落炎盡捐，

懷哉鐘日暮

祥符高叔嗣宿香山僧房○遽愁春草歇，驅馬春
山中。夜宿香深處，閒譚夢復同。風生近谷滿，月
照前湖空。明日西行去，回望此寺東。

無錫俞憲香山寺繇來青軒歷諸佛閣再憇山下
○直上軒憑望，還尋澗壑幽。獨行無指顧，盡意
數淹留。花密藏谿路，峯危現石樓。回看鐘磬處，
香霧半沉浮。

無錫安紹芳香山寺○西嶺藏香閣到門生暮煙
斷崖寒積翠細草伏流泉臺指祈星處松傳護
駕年石幢苔半繡難讀古人篇

大同栗應宏香山寺○樹杪敞招提空香處處迷
曹溪一水曲瞿舍五燈齊夕鉢藏龍影春沙印
馬蹄郊遊清世盛尊楹日攀躋

咸寧許宗魯來青軒○路轉青林內軒開碧漢傍
谷煙當晝晦峯影度雲涼借石扶松蓋迂泉過

竹房蕭然屏几靜嵐氣濕衣裳

無錫顧可文遊香山寺○飛磴登初到深林度幾
重樓臺逼層漢縹緲接高峯白下巢雲鶴青連
覆殿松翠華臨幸日軒上設行宮

常熟陳瓚香山寺○層山曲曲抱禪宮轉逐山光
自不同碧殿深廻青靄裏飛軒迥出白雲中清
音遞檻來雙澗秋色迎檐鬱萬楓何處煙霞非
妙湛可須支遁更譚空

山陰徐渭來青軒○畫棟將雲繞，修檐傍漢開，亭
非邀翠入，山自送青來。遠色虛難寫，遐觀縱未
迴，共言春景麗，不見使人猜。

丹陽鄔佐卿入香山寺○曲徑松雲上，丹丹樓閣
輝，指僧方據檻，望客已開扉，鐘向天邊落，泉從
石竇飛，滿山黃葉急，聲影着人衣。

來青軒○軒小能來月，深秋落葉紛，亂禽喧暮
色，數雁入高雲，山翠牕牕得，鐘聲寺寺聞，冷然
對寒影，酌盡不成醺。

上元姚汝循晚至香山寺○一杖入蒼煙，危梯隱
復連，山門交古木，屋角下流泉，客至杏花裏，鐘
來鳥道邊，禪房在松栢，風雨足安眠。

安陸何宇度香山寺○古栢高榆路欲迷，千年名
刹帝城西，望窮平楚天，垂盡居傍羣峰雲，與齋
曲磴苑從山上下，危樓半倚樹高低，登臨却喜
佳辰近，僧舍黃花開滿畦。

餘姚沈應文香山寺○晴嵐千仞擁深遐，碧澗逶迤一道斜。梓樹曲封宮監宅，松花靜落梵僧家。山堂舊闢棲金相，輦路新除望翠華。銀榜中朝親賜額，半天樓閣護雲霞。

東阿于慎行遊香山寺○夙慕香山勝，振衣度石林。煙嵐開上界，臺殿倚層岑。地盡羣峯合，天廻四壁陰。松關傍翳日，杏閣仰捫參。樹結菩提色，泉飛梵唄音。歸雲朱拱宿，閒鳥翠屏吟。塔湧名多寶，田開號布金。西湖寒雨斷，北闕暮煙深。客飯伊蒲供，僧房薜荔侵。禪心無去住，游跡任浮沉。

臨胸馮琦香山寺○香山曉蒼蒼，居然有幽意。一逕杳廻合，雙壁互葱翠。雖矜丹碧容，未掩雲林致。馮軒眺湖山，一一見所歷。千峯青可掃，涼颺颯然至。披襟對山靈，真心歸釋帝。茲游如可屢，無問人間事。

臨胸馮惟敏香山寺○昔我經遊處于今祇八年
 山林還委曲僧寺太蕭然賓客鮮車馬王公多
 墓田泉流非故道靜夜響涓涓○偃息蟾蜍石
 尋思往歲詩浮名前此遁薄祿竟難辭九壠登
 臨遍三乘覺悟遲老僧曾共語今指塔新支
 上妙高臺○東谷日初上西方境自偏巖牙危
 結閣石眼密通泉開殿雲烟入推牕薜荔懸鐘
 鏡何太近應為接諸天

盱眙李言恭香山寺○春草自萋萋殘烟散馬蹄
 杏花流水畔僧舍夕陽西為訪三生社還憐二
 仲携巍峩槐夾道能許一枝栖
 宿來青軒○地敞千林月門屯萬壑霞花間翻
 貝葉樹杪見人家路逐溪流轉山依石磴斜半
 空聊借榻竟夜鳥紛拏

內鄉李蔭香山寺○風霜積古澗松栢深香山鶴
 背游人舞雲分衲子閒都來惟翠色向下看塵

寰願借軒亭夕，翻經獨掩關。

三河曹子登香山寺○不看雲晴處，招提得便尋。
山空青靄暮，徑僻綠蘿陰。過石生泉嘯，停鐘卽
鳥吟。衆喧來一靜，半日客閒心。

濟縣王在晉宿香山寺○古刹雲端現，鈴音樹杪
懸。宿霞時煉石，暗谷夜浮泉。竹意當軒足，嵐光
入枕眠。瀑花侵客坐，蘿月伴僧禪。靜定牕深草，
勤耕杏有田。山芋供茗潔，野菜和羹鮮。鐘鼓闌
黎飯，香燈貝葉篇。業凡歸淨界，勝果證諸天。魚
鳥人俱適，去來住不牽。可知塵網隔，一宿已超
然。

江夏郭正域香山寺○寺入香山古道斜，丹樓一
半綠雲遮。深廊小院流春水，萬壑千崖種杏花。
牆外珠林疑鹿苑，路傍石磴轉羊車。四天天上
知何處，咫尺輪王帝子家。

華亭馮時可香山寺○青青環擁佛燈幽，作禮旋

登鐘未休、徑繞金繩、曾御道、光籠紺殿、隱經樓、
塔鈴松鼓、中天奏、杏雨槐雲、下界流、坐久覺無
塵色染、西方原自在南州、

新淦朱孟震雪游香山寺○踏跡上雲岑、風灣雪
淺深、煙村時聽犬、冰樹不棲禽、綠暗閣難辨、黃
昏鐘未音、佛燈明數點、指定復前尋、

夷陵雷思需來青軒○石磴幾千級、滄勃夾長栢、
奔泉冷山骨、卧聽知水脉、夕陽空翠生、身身變、

衣色殷其怒、豐隆四顧、虜雲黑、驚起老蛟精、倒
捲渾河瀉、須臾天開霽、亭檻俯石壁、乍聞深澗
濤、吼山山欲擘、峯饒林木青、溪借沙路白、我家
萬山中、終日對山碧、別來已四載、見此欣有得、
塵土汚緇衣、城中車馬客、

應天朱之蕃來青軒○香過十里杏花西、禮罷空
王到上栖、恐壞雲根開地窄、愛看山色放牆低、
馴魚左右橋邊繞、好鳥晨昏鐘後啼、徒倚詞臣

遲侍從來青瞻仰 御書題

仁和黃汝亨香山寺來青軒○秋林無日不黃花
駐綠森雲爽有加，磴入寒空高翠巘，坐來秀色
落晴霞，石泉淅淅將風葉，山徑蹒跚冷歲華，獨
向軒亭間一望，羣峰低處已塵沙。

慈谿葉維榮香山寺○泉流不知市，窈窕去香林。
絕構通山鼠，空廊住野禽，易愆尋勝約，難動入
山心。日暮寒雲底，綠惟一宿深。

溫陵許獬遊香山寺○層巒看不盡，折折上香山。
有翠藹天色，來青喜 聖顏，宿雲亭隱約，淘石
水爛斑，日暮烟嵐合，茫然客未還。

太倉王衡香山寺門○濃陰靜若夜，清流澹無言。
不知山寺到，乍見風幡翻。

來青軒○遙青草木光，空青天地冥，憑欄三尺
外，與爾共青青。

來青軒月○雲扶月華上，森沉翠微冷，霏霏高

低林。月中無靜影。

祭星臺○空壇落星辰，騰沙鬱皇野，不知何王
碑，隔坡問牧者。

別香山○相去幾何里，香山紅寺青，冥冥月中
磬，況隔晚雲聽。

香山歸途欲雨竟晴○人言鷓鴣聲，模糊若含
雨，啼破千林烟。來我杖頭舞。

順天張國銳晚投香山○窺壑雙林峻，穿雲第幾
重，古泉驚倒仄，老樹望從容。暝色迷僧榻，苔文
亂鳥蹤，奇多看不徹，昏黑尚扶筇。

宣城吳伯與來青軒○盡將亭閣立高虛，色相雙
開萬壑餘，鳥半啣雲歸樹壘，峯長扶月上僧廬。
杯流波面移天影，燈續花光到御書，未必灰
心伴禪夜，祇疑塵市夢全疎。

山陰丁乾學香山○望望青山石徑通，藤蘿披盡
出珠宮，千峯烟霧來衣潤，萬里關河入掌窮。雨

過鳥飛雲氣裏，鐘鳴人在夕陽中。登高瞻闕重
回首，天外寥寥有遠鴻。

漳州張燮香山寺○綠遍山門爽氣橫，鳥鳴無數
一鐘鳴。客多徒御遊倉卒，僧盡朝昏趨送迎。幾
度六龍曾少駐，何人駟馬此閒行。杖頭指點
登峯去，幽徑繁陰夾道清。

來青軒○徑轉平臺出，軒閒寶地臨。佛光朝輦
道，御墨壽禪林。花雨晴疑濕，松濤曉更深。六
時蓮漏滴，如意許重尋。

池陽方新香山寺○香山一徑矗雲隈，古剎高臨
絕巘開。萬里河山迴玉塞，九重風露薄金臺。翻
經石鼎峯猶供，護駕松門鶴未回。西日過亭東
晚照，下方處處滿塵灰。

亳州朱宗吉香山寺○逕深林曲折，軒出正峯迴。
花鎖藏經閣，雲封演法臺。湖光憑檻望，山色捲
簾來。莫畏星辰近，僧厨自作醅。

慈谿馮有經來青軒○三百湖山寺、清光此獨偏、
九陵通紫氣、雙闕映青蓮、路豁披雲盡、堂

虛得月先、六龍曾駐蹕、瑞色尚澄鮮、

莆田林堯俞登香山來青軒○迢遞入松門、輕陰
夾路繁、鐘鳴上界寺、花辨隔谿村、雲氣生高棟、
山光度短垣、閒忙俱此地、鳥語雜風喧、

公安袁宏道來青軒○真人天眼自超倫、翠色香
山此語真、八十老僧牢記取、一時三遍語游人、

吳橋范景文香山寺○峯勢矯然飛欲去、緝毆巧
得山意助、碧雲鬪麗不鬪清、此中諸勝全能據、
紅霞片片落空巖、憶是鑿輿駐蹕處、翠色挾雨
送來青、耳中恍惚聞天語、看山眼亦需聖人、
御墨流鮮鸞鳳翥、老僧舊事說不休、箇箇遊人
看榜署、

與化吳甞春日香山寺同曹元之沈雲升圍碁○
春日香山春草萋、來青軒俯碧雲低、覓將勝地

呼朋往賦得新詩。厭壁題堦藥。葢翻初冒蝶。山
松花放別成蹊。圍碁古木蒼崖下。疑與松雲共
一棲。

新野馬之駿香山寺。○割翠開雙戶。流丹駕百層。
路高行漸澁。雲鎖石難崩。池影魚遊樹。巖聲鼠
竄藤。澗風排霧出海日。帶霞升。果落頻驚客。鳥
馴時觸僧。西方支許社。端不悵無朋。

香山寺。○日飽登臨致。翻愁應接勞。重遊知寺
熟。獨往踞峯高。柿葉留晴露。松陰漲夕濤。晚叅
鐘韻歇。展轉媿方袍。○盤磴昏方至。看山晚益
佳。谷晴雲滿戶。陰密樹緣厓。客夢前林磬。樵歸
獨徑柴。終思歸白法。送老一青鞋。

孝感傅淑訓香山。○碁盤石無人奕。護駕松有鳥
棲。下界鐘聲古寺。上方月影前谿。○平甸方方
似繡。高峯兩兩如門。牛羊十里五里。鷄犬前村
後村。○丹井泉曾入夢。香爐石尚縈烟。紫陌皇

州望裏晨鐘夕磬森然

來青軒○一帶寺分翠色四山香共青來清雅

都亭在望鬱秀軒牕自開鬱秀清雅望都亭諸

扁皆 神宗御書

岡縣董應舉送楊德秀下香山○十日不了香山
寺有客來分半榻雲泉響高從松頂落鐘聲冷
在月中聞未寒秋色愁衰老早放黃花爲送君
此去都門何所見孤鴻天畔入斜曛

吳縣姚希孟來青軒○虛檻雲嵐上諸峯斷復連
圍成螺髻頂散作鬱藍天空翠山藏骨冥濛樹
拂烟品題入 聖藻青色自年年

天津王鐸暮登香山寺○歷盡丹梯古寺門鐘聲
萬壑報黃昏崖懸鳥度牕中樹路暝僧歸月下
村南指崆峒藏石髓北來天壽隱雲根入山纔
悟浮塵惡夢後禪燈客共論

來青軒○諸陵王氣壓金微倚劔高軒望九圍

青巘自來親客枕，蒼嵐不散濕僧衣。桑乾河凍
飛流折，黍谷山深遠樹稀。愁怨鶴猿空自語，少
林茅屋幾時歸。

景陵譚元春來青軒○翠到茲山欲盡收，幾多風
物自相遊。虎蹲宸翰峯峯雪，龍變王言歲
歲秋。有氣泉巖如應答，無聲酒茗不沉浮。心高
目下須臾際，鴈掠荒雲去未休。

嘉興譚貞默來青軒次友夏韻○朝曦入坐雨痕
收。林柿巖花悉佐遊，纔倚石欄容易晝。久塵都
市不知秋，客來鳥報王言重。鐘定魚聞佛號
浮。曲磴奇松畧畧盡，宿雲留去未應休。

吳縣釋修懿來青軒曉望○星澹諸峯曉，青依昨
日來。松蘿親上界，鐘磬散層臺。香閣佛深坐，竹
房僧未開。嵐光留不住，林鳥幾聲催。

武進管紹寧香山○磴磴飛盤棧，碧虹低憑落日
到禪宮。鐘邊欲立諸天外，葉際如行秋雨中。高

鳥雲心人共肅。空潭魚氣佛先通。初知大地成
金界。踏徧蓮華。又幾峰。

懷寧劉若宰香山道中。○山如劈面且平蕪。山鳥
關人影欲呼。士女艷都忙。二月烟巒寒亦畫。三
吳探奇見訂聞。深淺覽勝情爭具有無。乍可心
閒身健爽。亂峯欹樹獨先驅。

上虞倪元璐遊香山。○仰天大叫想天聞。山只三
分興十分。春到寒潭開古雪。僧尋好穴葬新雲。

光榮鳥蒞名花署。跋扈風攙野蝶羣。醉去偶然
題碧落。被人讀作絳州文。也爲尋春費百文。
好春只合與山分。柳絲嬌織烟如錦。槐火狂燒
石有紋。來入幕風桓氏客。不殘花雨岳家軍。松
呼泉咽皆天樂。世上爰居聞不聞。

景陵胡恒宿香山曉過來青軒恭覽 宸翰○僧
語深廊欲啓扉。泉聲颯似雨初飛。夢殘未就花
間續。月在猶于松際微。深夜遊人浮白散。虛堂

拂曙遠青歸，諸峰不敢分來爽。畏與先皇御
墨違。

狄道楊行恕香山○翠閣雲來倚，丹梯天可攀。軒
留臨御墨，徑鎖入禪關。孤月林初靜，空山夢
亦閒。自慚霜髮白，春羨柿斑斑。

平湖陸啓浚宿香山寺來青軒○山勢易成寂，夜
氣相與停。月光臨衆嶂，山視皎若平。靜覽有虛
色，冥聽宜一聲。始至猶自懌，屢坐忘所生。就寐
得餘醒，隱隱遵空明。萬籟既以化，嗒焉昭我形。
信矣古人言，深入移其情。

來青軒早眺○山容變無端，曦陽吐殊狀。渺末
辭宿林，秀氣開全嶂。巖位漸以高，振發猶未量。
望隨松影深，盎盎春露漾。萬象迎暉來，槩意適
所望。

廣昌何三省香山寺○鼓鐘今幾代，應運得幽尊。
泉洗金元穢，山昭日月恩。勝應稱樂土，奧特備

雄藩曾駐 先皇蹕 僧將勝事論

來青軒○磴道盤紆第幾灣○空青縷縷在躋攀○
山欣 聖藻奔群檻○柳浴春烟乍隱關○特立仍
看元氣宿○孤巒能使衆峯環○寺僧慣客如逢故○
留賞應知意獨閒○

長洲徐汧來青軒夜眺○都將幽意此中并○閱盡
游人無損情○客亦雲來青裡宿○山題翠向夜邊
明○鐘聲離樹移時盡○村語隨燈以次生○下下高
高惟所際○景光不接獲孤清○

會稽馬兆霖來青軒○帝之所餘賞○一軒兀其空○
不爲山水藏○浩浩承天風○金繩垂西影○下界陰
濛濛○枯林泛聲光○蕭蕭惟暮紅○我先我後者○至
此徘徊同○

桐城方拱乾香山入杏花溪處○誰言花事未○紅
已雨成村○望欲晚依寺○心憐春閉門○入深坐自
蔽○歌度瓣俱喧○莫遽分郵去○紛衣亂蝶痕○

孝感程良孺香山寺○仄徑停車步遠攀，香鑪峰積古今斑。蒼藤鱗甲盤千折，白石鋒稜礪屢灣。茵濕繡紅新佛地，亭傳青翠喜天顏。馮軒一望浮塵道，中有山僧杖鉢還。

昆明唐泰香山寺○松陰六月午偏長，階下流泉院院香。莫訝招提如大內，始堪齋沐祝君王。

興國曹景參來青軒○幽栖北折有高臺，輦路頻經御蹕開。一帶翠青知帝力，百年清雅出

天裁。樹當簷敞能周致，雲以牆低不碍來。鳥道霏霏看欲盡，龍葱雙闕五城隈。

麻城周應昕登來青軒○寺首西山勝，丹樓遠卽看。佛香鑪化石，仙奕局存盤。一簇來青翠，諸峰最糾蟠。僧言每駐蹕，于此拜千官。

武進惲向住香山寺○深林寄幽僻，夜氣獨清無。破壁龍蛇語，空山鳥雀呼。井花香自汲，林月夢同孤。萬象森如許，名心枯未枯。○一帶空青氣

當軒晏坐時，妙香徐入酒。遠覽獨成詩，翠濕春
簷竹。花堆青井泥，深深愁見客。久靜失威儀，
風動夜逾靜。山明月上來，婆娑松影落。寂歷道
心開，梵切浮生事。鐘催夢往回，嵐光助人性。半
卷坐莓苔。

孝感程正揆香山道中○行道渾忘北，看山况是
西。十年游裏債，一日馬前携。來嶂青無盡，飛烟
嵐與齊。碧雲望不見，知爲亂峯迷。

遂寧呂大器來青軒○秋色渺無處，翻于茲處知。
亂山來未已，青翠自當時。

昌平韓四維香山○天風高爽憤蕭蕭，寺熟車騎
徑若條。狹小諸山兄父事，孤稱一面雨雲朝。溪
光帶紫魚如繪，御墨留青鳥亦驕。日浦烟村
望近夕，閒身此夜夢塵銷。

麻城劉侗香山寺來青軒○十里香紅一道泉，約
同閒伴入春烟。鳥呼耕鑿民畿甸，鐘報晨昏僧

祝延獨翠封山。謨萬壑來青。經野勅諸天。郊能
丹碧人。能暇休養。熙游不偶然。

公安袁祈年來青軒。杖笠穿雲上絕巔。羣峰拱
揖拜庭前。豈知駭綠驚紅裏。偏有迴鸞翥鳳懸。
淳化曾留飛白在。貞觀久取御屏傳。恭瞻天藻
思先帝。鳥語柯音總未諠。

宛平于奕正來青軒。四山秋色重。王言青翠
巍巍捧一軒。葉漸有聲。霜待老僧能無語。梵應

尊眼明寥廓峯峯下。心入冥濛物物存。幾樹荒
雲迷去雁。吹來孤影坐中翻。

仁和陳紹英香山寺。古木干雲上。流泉繞碧苔。
寶華飛鳥革。翠壁躍龍媒。人欲凌空去。山經駐
蹕回。蒼蒼看不倦。端的送青來。

吳縣葉侖秋遊香山寺。秋老香山路。高深霜葉
遲。日窺林內暝。泉滌石中奇。不識峯迴合。虛疑
閣峻危。來青僧指謂。御墨賜淋漓。

新水黃耳。鷓香山寺。塵裏西山約。經旬得共看。
遠林紅漠漠。平楚綠漫漫。寺擇峰俱簇。游當春
半闌。一鐘聲未盡。便已客心寬。

江都鄭元勳登香山來青軒。紅香青冷界。幽不
避遊踪。有例看山檄。無問報客鐘。魚浮人影外。
鳥起馬蹄中。二百餘年栢。頻觀駐六龍。

會稽周鼎瀚夜宿來青軒。卽事。戲問青何所。僧
遙指與客。我從青處來。冉冉見金碧。有詩勞

思索。無覓托幽寄。多事是游人。山僧不識字。
門外冶游子。雕鞍翠袖妾。寺僧拜馬前。袖有儀
曹牒。

夏邑王承曾香山來青軒。諸有趨天末。大象以
森羅。崖樹勢且盡。殿閣俯龍駝。開軒遠色上。
御墨青峩峩。鍊鎖苔繡垂。石路遲吟哦。海月生
萬號。山風時乃過。

武進陳組綬來青軒。軒構栢雲擎。雲巖入御

評泉歸峽千雨鳥離巢一鳴烟放長隄迥岑周
疊嶂爭山陰落山下天自坐中晴

華亭翁元益香山曉起○鳥語提清夢山栖悔曉
游草肥多飲露烟靜不關秋聲失都門沸心真
雲壑幽經年塵攘攘俱爲曉鐘收○巖棲已十
日明發似更新漸覺山平且猶看月助人鳥蟲
樵徑露鐘鼓法堂辰東望朝光赤濛濛又客塵
麻城周之茂香山寺○到處烟嵐秀可食山僧指
點向雲端仙盤棋合無心著御筆書應拱立
看老樹引年三代色危巖虧日四時寒登臨不
盡尋幽意歸去無愁石路難

沛縣閻爾梅遊香山寺○泉分瀑布注春溪滿路
松陰杖可携牲玉未登名嶽祀圖書先有聖
人題嘯聞天半疑鸞鳳仙住雲中化犬雞霧隔
長安三十里蒼茫惟見野塵棲

宛平王崇簡尋香山靜室○石路春無暇頻年過

此門燈天懸木末，杖壑響雲根。亂定游將盛，僧
閒峯亦尊。未須歸暝色，聽鳥一晨昏。

桐城姚孫渠來青軒○聖主曾留墨，高軒不斷青。
雲疑峯色亂，雨畏鳥聲靈。衆討爭奇勝，孤吟入
宵冥。故人來恰好，筇杖莫須停。

嘉善錢梅宿香山寺○空山惟一夢，岫懶出烟低。
瀑鼓天然漏，鶴鳴何處鷄。峯晴隨月醒，巖濕倚
雲迷。昨夜前溪老，相期枕絕巖。

碧雲寺

天巧不受人分，人工不受天分。雲山一簇，惟缺畧
荒寒，結茆數椽，宜耳。東西佛土，有滿月蓮華境界。
備諸莊嚴，比丘僧尼，優婆男女，發願願生，而碧雲
寺僧不事往生也。住是界中矣。然西山林泉之致，
到此失厥高深，寺從列槐深逕，崔巍數百石級，爛
其三門，入門迴廊納陛，圍繡步玉，目營營不捨廊。
足滑滑不支階，降陞卅六，讚繞廂六，稽首殿三，網

拱丹丹、瑣闥青青、四闔八牖、庶承廊巡、甍不屑雕、而髹之以金、罨畫金上、日月飛光、其有暈藹、壁不屑畫、而隆窪之以塑、橋孔洞陰、諸天鬼神、其有窟宅矣。殿後端正一閣、金色四合、黛漆時施、僧秋盆桂周乎閣、爐香交桂、鐙光交月、香光鬩滿、人在月輪、鐘磬吉祥、捧號續紛。左側有泉、屋之納以方池、吐以螭脣、並泉爲洞、砌方丈耳、洞其名、洞前而亭對者亦亭、肅如主賓、填荷池、伐竹苑、所落成也。螭脣施泉、旣給僧廚、迴向殿前、方池朱魚、紅酣綠沉、餌之則爭、泉去乎寺、乃敲、叻、叻、越澗而奔焉。寺二元碑、一、至順二年立、一、元統三年立、白石黑章、碑俚不文而石文也、以存碧雲、菴于元耶阿利吉寺、于正德十一年、飾于天啓三年、土之人亦曰于公寺云。

鹽山王翺遊碧雲寺○出郭避塵囂、寧辭塵路遙、山中有古寺、徑此上層霄、露曉竹方滴、春殘花

未飄拂巖書所見，不負碧山招。

長洲文徵明碧雲寺○翠殿朱扉翔紫清，璇題金榜日晶晶。青蓮宛轉開天界，玉闕分明作化城。雙澗循除鳴珮玦，三花拂檻映幡旌。貴人一去無消息，野老依稀識姓名。

華州王維楨宿碧雲寺○秋深處處逢搖落，入寺蒼然影未稀。斜日鳥歸寒共宿，上方僧定夜相依。爲看金碧思人事，却隔雲霞望帝畿。萬磬聲中皆雨澤，不知烟火幾家扉。

太倉王世貞碧雲寺○峭壁琳宮轉叢篁，白日移斲雲探地脈。噴雪注天池，祇樹開千臘。曇花供六時，伏魚驚午襯。眠犢起春耕，色界烟霞滿。空門歲月私，苔陰侵鬣鬣。鳥影散杳思，入觀香時發。詮真聽不疑，悟來珠炯炯。無復叩摩尼。

碧雲寺泉○蒼龍戢其首，日夜漱寒玉。助爾松風聲，借之竹色綠。時從齋厨下，泠然注空谷。自

愛穿雲多。焉知出山獨。一酌聆斯言。徘徊愴心曲。

宿碧雲寺○幽人夜無寐。初月啣山閣。不見月出光。但見松影落。

濟南李攀龍碧雲寺○飛塔標龍藏。長橋挂虎溪。五王開壯麗。一梵樹菩提。淨土黃金布。香臺碧漢齊。經過初地變。徙倚上方迷。杖底籠清磬。崖間散御題。屢疑窮紺宇。復道出丹梯。天樂蓬萊

近祇林。日月低。水流僧舍下。雲起佛堂西。深愧雕蟲技。難同怖鴿棲。慈燈懸廣劫。處處得摩尼。碧雲寺禪房○佛土秋逾淨。花臺夜復香。一燈醒夢幻。孤磬散清涼。月上梵輪滿。湖開天鏡光。新詩分妙偈。病客對空王。

太倉王世懋遊碧雲寺○布金聞北地。功德冠招提。絕巖懸相抱。飛泉巧自移。雲根穿卓錫。虹影落梁恩。靈鷲標層構。文螭護賜碑。鴿馴多寶塔。

魚老放生池。法雨疑晴墮。香花欲晝垂。天應愁
罔象。月似避摩尼。酌醴楊枝潤。函經貝葉披。人
天依梵淨。佛日度春遲。妙境身西竺。清心首大
悲。興來成再宿。塵界一相遺。

綏德馬汝驥碧雲寺行○西山臺殿數百十。侈麗
無過碧雲寺。剗構土木元自誰。山川是昔主人
異。憶昔先朝垂暮年。中官十輩恃權勢。長安奪
宅盈九衢。復置祠園開此地。斬削峯巒截桌平。

穿池出泉千丈清。黃金作堂玉作闕。蛟龍屈曲
飛簷楹。三梁直訝虹霓起。萬戶迴看星月生。後
有香爐前寶塔。石鱗翁仲雙崢嶸。陰洞鑿空嵐
翠裂。水亭幽敞失炎熱。竹紫松蒼南土產。北移
幾歲森蟠結。錦旛彩勝揚雲霄。法鼓齋鐘振巖
穴。內苑輪奐工巧在。江湖花石官頻採。重泉銅
鏡豈不固。橫遭夷伐爲銀海。雍門流涕亦奚求。
石槲傷心曾可待。千億寧知劫火消。須臾果見

桑田改。護勅豐碑迭傾覆。佳城窈窕通虛谷。他日素車誰竟下。風揚番使靈祇恧。石經山廟玄明宮。榛棘荒涼但樵牧。

碧雲寺洞中聞歌○瑤宮既弘敞。石洞亦幽陰。旨酒始曲水。清歌忽振林。梁輕塵一動。穴虛風再吟。林表遠花色。山中夜樹音。和傳白雪寡。聽入玄雲深。是夕夢天樂。珊珊步高吟。

武進唐順之游西山碧雲寺○索居滯文翰。久與游賞闕。出沐乘涼颺。尋幽心所悅。涉澗聞潺湲。攀巒仰巖嶠。邈哉神臯曲。居然靈境別。浴室盪湯泉。水井蔭陰穴。躋險意暝眩。迷迴影絕軼。風林嬉猿獼。雨峯挂虹霓。宵看朝旭升。晝見昏星列。葩豐光乍熹。崖懸曜光晰。景會萬象昭。跡睽百慮絕。巖棲庶可希。于茲謝塵轍。

臨清謝榛碧雲寺○羣山開三剎。策杖獨經過。石洞深冰雪。巖泉古薜蘿。觀空塵慮盡。垂老勝緣

多、安得身閒早、相從此淵阿、

鄞縣張邦奇和人宿碧雲寺之作○谷口樹連寺
深林天色微、溪晴羣馬渡、巖暝一僧歸、鳥語喧
將宿、星芒動、欲稀、夢醒鐘磬後、風雨是邪非、
德州程瑋碧雲寺○紺園聞絕嶂、石磴接天門、洞
古連賓館、亭幽傍水源、過峰雲冉冉、棟樹鳥翻
翻、竟日惟孤賞、曾無人語喧、

無錫安紹芳碧雲寺○寶地浮空一徑盤、藤蘿曲
曲隱闌干、泉飛滿寺春流急、月落虛堂夜影寒
松有結枝巢鸛鶴、洞無名樹號旃檀、携將筆墨
爲游紀、獨上峰頭自寫看、

歙縣許國遊碧雲寺○幾年陪禁直、今日復山行、
暫乞官身假、稍令塵眼明、迴峰時見寺、深樹不
聞鶯、欄步一鐘動、歸心於此生、○坐愛桃花水
依依祇樹林、烟雲消客思、泉石慰禪心、帝苑
餘春色、人家半夕陰、漠然天地際、月上遠山沉、

永嘉康從理碧雲卓錫泉○卓錫何年水泠泠噴
石龍濕雲深度壑飛雪冷穿松今古無停息清
虛可鑒容不留功德地東向亦朝宗

長樂謝杰 陵回重過碧雲寺○五祚祠官遣重
經蕭寺過山俱夸殿閣林各古藤蘿雲在有時
碧碑存盡雨莎僧閒鐘磬後宣罷祝釐歌

應天姚汝循碧雲寺○策馬隨流水穿林到碧雲
金銀開法界紫翠旭朝曛峯自香爐轉泉非裂

帛分閒懷渺衆慮魚鳥與人羣

新安張一桂遊碧雲寺○絕磴人從樹杪行疎鐘
風度隔林聲多閒地主能留客無事山僧不到
城半隱松梢香閣出暗穿竹逕石泉清他年擬
踐荷衣約預向禪房記姓名○携伴尋春到碧
岑春深風日半晴陰池清盡見魚爭餌山靜頻
宜鳥遞吟遠岫孤雲堪極目空壇細草是知心
登臨未徧歸途晚欲別仍期訪道林

臨胸馮惟敏碧雲寺○石洞香雲滿、山門待客開、
欲從真界住、不共吏人來、花塢分泉汲、松屏近
戶栽、忘機吾意得、魚鳥欲驚回、

安陸何宇度碧雲寺○寺裏流泉寺外峰、碧雲四
合削芙蓉、佛天夜散松梧雨、帝里秋聞殿閣
鐘、僧飯香分中貴廩、寶幢字簇內廷封、石階雲
陛遊人避、爭道頻年駐六龍、

池陽方新碧雲寺○山山搖落碧雲寒、有客驚秋
獨倚欄、風靜泉聲聞遠嶼、月明松影步空壇、丹
輝碧藹諸天近、磬切鐘疎五夜闌、回首塵沙生
客悔、明朝車馬又長安、

東阿于慎行遊碧雲寺○靈峰環御苑、寶地敞仙
筵、磴道湖邊出、重關木杪懸、危巖深吐月、曲洞
細生烟、壁蔭捎雲竹、階流噴玉泉、松風聞梵夜
梅雨散花天、淨土風塵絕、空山伏臘偏、十年初
地境、百萬尚方錢、響屨苔痕積、璇題鳥跡鐫、無

生應證法，有漏未稱緣。浩劫何繇問，踟躕翠嶂前。

臨胸馮琦碧雲寺○朝望山間雲，暮就山間宿。佛界何莊嚴，入門風肅肅。古殿倚巖岫，磴道盤容曲。峯頭過新雨，石髮淨如沐。泉聲下石溜，歷歷飛寒玉。良游殊未竟，星河低以屬。

長洲文肇社碧雲寺○入山蘿薜晝沉沉，下馬行過古洞陰。獨倚石橋看急澗，坐觀庭宇俯喬林。環墻山色浮烟藹，繞砌泉聲和磬音。虛榻借棲清夢醒，閒窓卧抱白雲深。梵鐘催落堂前月，老衲時彈膝上琴。棐几香殘閒睡鴨，佛堂齋供有來禽。岩花滿地飛紅雪，徑竹千竿倚翠岑。何日拂衣重過此，長依清境洗塵心。

太倉王在晉夜宿碧雲寺○山居晝寂寞，况值夜鐘深。稠樹風爲鼓，鳴泉水自琴。添衣堪露下，坐月竟蛩吟。愁客鄉關意，空禪莫使侵。○禪寺孤

棲旅空山聽亂蛙，掇香翻貝葉。燒棘熟胡麻，半
夜僧鐘定。三更客夢滄。意閒心自足，老大竟何
嗟。

盱眙李言恭碧雲寺○古寺野雲平，青尊竹畔行。
寒泉繞殿出，微雨隔溪鳴。地靜僧俱定，林深鳥
不驚。日移山後影，前望暮烟生。

鄞縣屠隆碧雲寺○皇居郊壩外，紫殿接春林。啼
鳥親人語，流泉繞樹陰。雲開天路肅，花落洞門
深。偶得尋幽事，因知物外心。

□□楊汝元碧雲寺○何年卓錫寄遐踪，巖壑迴
看紫翠重。地僻故應無暑到，林深長自有雲封。
千山夜雨增飛瀑，半壁朝陰翳古松。已覺人天
坐超忽，况餘清籟度疎鐘。

華亭馮時可碧雲寺○諸峰迴合競噴吼，暇日憑
欄指掌看危石。立雲雙筍秀，飛泉散雪四時寒。
魚銜午襯遊知樂，鳥啄春花語似歡。幾欲禪棲

淹歲月終驅塵馬入長安

亳州朱宗吉碧雲寺○路轉林藏寺晨光未啓關
寒雲生遠樹清磬出空山閒客探奇入游僧乞
食還茗香烟藹藹丹碧豈人間

應天朱之蕃碧雲寺○飛泉百疊繞經壇漚注龍
池白玉欄立石似聞僧語悟躍鱗曾待聖人
看前村斷藹收殘照一榻深春尚晚寒車馬喧
闐非我事青鞵花徑足盤桓

慈谿葉維榮再宿碧雲寺○月帶霜痕梵殿清坐
臨縹緲一身輕吞山白霧連天色出硤飛流亂
樹聲石洞方圓無韻致竹泉聲影稱修名欲歸
且作須臾立魚鳥于人倍有情

信陽周復元宿碧雲寺○泉從天上落寺擬畫中
成活水無風皺長橋墮月明青山醒客眼碧樹
老鶯聲促騎看回路北巖無限情

仁和黃汝亨宿碧雲寺○石徑餘清靄秋高林未

稀、孤亭霜葉下、半榻暮雲歸、桂影樓邊馥、泉聲
竹裏飛、安禪吾亦適、虛白坐相依。

江夏郭正域碧雲寺○萬疊千盤皆古刹、風旛雨
鐸滿西山、池邊施食游魚出、樓下鳴鐘夕鳥還、
嶺日不禁烟滉漾、林花未敵葉朱殷、無人遂此
辭塵去、一宿禪關也是閒、

慈谿馮有經碧雲寺○日近龍宮麗、諸天雲物浮、
鑿山迂復磴、激澗引迴流、竹影分亭晚、松聲送
谷秋、虛襟澹無着、去寺更淹留、

溫陵許懈遊碧雲寺○微雨青槐道、風裾度石梁、
泉清魚動日、栢密鳥爭涼、古洞盤雲朶、野花和
露芳、名園誰得似、艸木發山香、

慈谿楊守勤飲碧雲寺○月落空林冷、言僧已入
定、客子獨豪吟、大擊雲堂磬、○雲堂中夜坐、月
向後山沉、鐘與僧俱定、此時無鳥音、○羣動俱
息也、香聞如薝蔔、乃察僮鼻聲、乃觀昧爽色、

丹陽賀世壽碧雲寺○雲迴磴折敞琳宮，泉瀉僧
厨曲曲通。撥刺文魚霞作片，扶疎寶樹月初弓。
不嫌凌奪荒寒趣，自喜莊嚴水石工。更是泠泠
隨夢去，疑風疑雨下遙空。

景陵鍾惺碧雲寺早起○人語翠微聞啓門，離離
殘照濕初暎。行經絕澗數花落，坐見半山孤鳥
翻。月去寒潭林影換，雲依閒砌草頭溫。與君莫
厭頻移榻，晨爽秋陰非一村。

新野馬之駿碧雲寺○金地停車問香臺，結伴登
井厨。泉自落棟宇石俱層，題竹沾新粉，搴荷折
脆稜。含情追往歲，名署壁間曾。

宣城吳伯與碧雲寺○劉雲飛剎到來殊，指點烟
蹤片屐扶。干臘溪藤高石座，一絲晴雨注僧厨。
魚當洗鉢香時出，鳥是聞鐘靜後呼。格外放譚
深對酒，虛空一字繫還無。

興化吳牲碧雲寺○對山如對僧，幽澹乃本色。金

碧爲莊嚴無乃山之厄。人言碧雲佳，佳處未曾
得。松濤靜逾冷，竹翠秋如滴。而我坐空亭，泠泠
似幽客。起酌碧雲泉，長嘯秋雲碧。

上虞倪元璐宿碧雲寺○大峰如杵細如芒，看卽
圖書枕卽床。菴石雛花巡佛案，瘦雲肥雨裹禪
房。翻經背寫游山記，引袖頭鈔釀酒方。曾道逢
僧閒半日，到來三日爲他忙。

公安袁中道碧雲寺○寶磴山全琢，璇題日並懸。
金鈴長護果，石臼遠郵泉。鴨脚葵分雪，漁竿竹
煖烟。市塵如火炙，古洞冷方眠。

漳州張燮碧雲寺○遠鐘近磬客新聞，驚見林端
丹碧文。花點竹間疑帶雨，泉傾石罅遠流雲。亭
臺錯落諸天出，龍象莊嚴四野分。長是遊魚親
聽法，相忘人影自羣羣。

京陵譚元春碧雲寺麗甚題之○幸佐幽人麗，層
層金碧通。驚心多事日，識氣不貪中。鬼下牛蛇

壁。松高鳥雀風。眼光非亂射。散作萬山紅。

碧雲寺施朱魚歌○碧雲池上金鯽生。不網不
罟。邀天成。飢來未敢食。蟻蠕時有高僧梵呪聲。
一生弘慈仰來客。出入池上此心迫。如袖餅餌
慰嬰孩。來亦不忘投。不擲餌上餌下浮。片片大
魚小魚。咬水面。明知人有佛天心。忽聞人語翻
不見。池定餌消我徘徊。明朝自有給孤來。

公安袁所年碧雲寺○金碧爍人睛。白晝唐述盈。

秦時與漢祠。自然讓崢嶸。瑩石琢爲術。下履聲
硜硜。輝煌到幽澗。不敢自深泓。書生驚物力。默
坐想邊城。

孝感傅淑訓碧雲寺○佛供盤松偃栢僧居闌杏
穠桃富矣游人游具茶璫酒瓊詩瓢○洞巖倒
立石筍澗水西來落花朝雲迷處僧舍暮山影
裏人家。

嘉興譚貞默到碧雲○纖雨纖風刷市塵。蔥勻山

色蹇驢人。驀開寶界流新眼。消得重重妙麗身。
碧雲感懷。○若個金錢施。真成碧繡叢。泉葩生
焰采。山鳥特玲瓏。楔篆垂天藻。瓊鏤出鬼工。莊
嚴皈淨域。窮耗軫區中。珉碣文方赤。黔遠翮積
紅。驚心對魚影。莫奏腐儒功。

豫章胡汝煥碧雲寺。○古刹倚岩堯。丹青到九霄。
峯多懸日少。天近隔塵遙。魚鳥知鐘磬。松榆閱
羽旄。和霜炊葉紫。慵得入林樵。

莆田林堯俞宿碧雲寺。○駐馬憶曾到。重來今十
年。魚閒猶在藻。僧老別安禪。曲水通山竇。疎櫺
染竹烟。夜深清磬發。隨意石床眠。

南昌樊良樞夜宿碧雲寺聽泉。○名刹夜燈幽。澄
懷卧亦游。寒淒衆壑籟。清咽萬林秋。句得若循
澗。夢聽如枕流。非緣僧棧引。泉意自來周。○水
流每在曲。聲色使人耽。霧檜晴無歇。濤松靜不
諳。醒知聽夜盡。夢卽到江南。孤枕身何處。寒山

佛一龕。○脉脉去淙淙。僧厨課水春。芙蓉悲永
漏。柿葉下疎鐘。細響悄吟澗。危流高應松。不知
非夜雨。慵卧誤遊踪。

武進管紹寧碧雲寺卓錫泉○無窮淺碧浣霜苔
引到深源路幾迴。鶴已蒼崖啣錫去。龍猶赤水
噴珠來。清添露梗香初滑。寒上秋鐘濕不開。未
許山僧斟酌意。遠分一曲與流杯。

長洲徐沂夜坐卓錫泉○滅燭聽流泉。其聲默然
善。微躬昏眼內。至清一以練。物靈隨我裁。乘除
在聞見。淙淙終古心。孰者爲之禪。天地節其勤。
赴壑不欲先。夜泉非晝餘。于中妄生眷。耳亦無
竭時。鐘聲寂深殿。

景陵胡恒碧雲寺○紅綠無人採。西郊惟此春。地
移衆香國。僧現宰官身。新舊從山主。高深役甸
民。識將金碧氣。矜語未來人。

懷寧劉若宰宿碧雲寺○夜色猶貪山上頭。留因

愛酒學僧休。秋綿夢短多霜覺。宿葉聽微亦霧
遊。語隔清樵思共被。身親流水悟輕舟。朝饑晚
醉都閒擲。但荷山緣策再修。

遂寧呂大器碧雲寺○寒山幽草自蕭疎。客到香
臺鐘定初。暮暮石苔新舊徑。淙淙流水淺深渠。
錦生萍葉魚羣出。翠滴松林鳥各居。白社有盟
曾未去。獨行深院轉踟躕。

孝感程良孺碧雲寺○烟燭風幻肅山靈。陰壑晴
雲總一青。鷲苑光爲金色界。龍湫聲作雨霖鈴。
晚霞散際檐楣合。老樹吟時鐘磬停。百磴欲窮
幽僻徑。松寮半啓半仍扃。

昌平韓四維碧雲寺○紆道晴開望際遐。兀身一
宿梵王家。溪先待客烟籠馬。逕未胎塵草藉茱。
可卧林兼天上月。不停池隊水中霞。春明寶氣
銷梨夢。孤塔寒雲擁杏花。

揭陽郭之奇碧雲寺○偶借軒牕向夕閒。飛塵遠

處靜雲還，坐看日落歸山色。欲引風清放月顏。
夜半一燈僧榻暗，秋過九月客途殷。斷溪殘樹
長堤影，却憶瞿瞿鐘磬間。

武昌孟登碧雲寺○埋荷斬竹彩雙亭。殿佛山靈
唯唯聽。地遍金錢僧尚說。碑高尋丈客無銘。遂
穿深欲窮泉壤。髹畫光寧讓日星。海子未收冤
骨在。何人爲請此中停。

上元姜承宗碧雲寺○林影差差秋藹平。碧雲殿
閣照分明。磴開馳道村烟密。路夾疎槐晚日晴。
車馬自多鐘磬靜。管絃時接鳥蟲聲。也隨人事
間。衰盛歎息山靈無定評。

沛縣閻爾梅碧雲寺○金碧垂空日影寒。遙聞鐘
磬正傳餐。山亭鳳札存先帝。學士鴻文表內
官。活水分穿僧閣響。高峰羣抱法幢安。歸然原
是神京護。壠下何人土木殫。

孝感程正揆碧雲寺看月○燕市月在碧雲光。欲

竭。上。有。龍。湫。之。清。泉。下。流。月。光。洗。山。骨。空。山。無
響。松。未。濤。山。月。爲。我。開。天。窟。酒。杯。溶。溶。嘯。歌。發
發。颯。然。林。木。涼。風。鳴。雲。烟。在。胸。酒。在。髮。

常熟宗發碧雲寺○逕除荒落店澗盡刻鏤橋見
說 先皇幸。無茲土木妖。豐碑云邁古華表欲
干霄。彼美盆雙栢。何慚恩四朝。

吳橋范景文碧雲寺○山削秀芙蓉。積翠明天際
披烟陟極巔。以雲爲郵遞。碧屯靈境開。人意生

靜慧嵐氣雜旃檀。風定裊裊細。香積玉一泓。礧
疏鳴泉逝。照出淨明心。秋澄而月霽。霞光簇蓮
臺。寶粧青螺髻。金碧錯琉璃。石繡花文砌。蔥蒨
天生成。人工加點綴。法王依帝城。自應如此麗。
稽首嘆莊嚴。人間真福地。

桐城姚孫槩自碧雲之福田道中作○秋當雨過
爽能添。坐入林深翠欲霑。碧水依苔容石激。丹
楓借日敵霜嚴。僧鐘遠近清相和。寺徑盤旋仄

不嫌極目迷茫天一色中峯霧定晚烟恬

南
梁稷碧雲寺○皮石刊山梵宇成紺臺碧甃
蔽雲坪誰將竹下靈泉韻聽作中涓宰樹聲

華亭朱灝碧雲寺○濃黛澤山面峭巘剪長天松
語鳥方息籠竇晴猶烟嬾雲卧磴席古槎露危
年照落上丹碧凹峽張月弦空翠醒霧夢葛蘿
老板緣西睇岡作龍幽秘棲石廬

